

# ଏପିସିୟ ମଣ୍ଡଳୀ ନିକଟକୁ ପ୍ରେରିତ ପାଉଲଙ୍କ ପତ୍ର ଏପିସିୟ ମଣ୍ଡଳି ଲାଗାଂ ପକ୍ୟାତି ପାଉଲ୍‌ତି ଆକି ଏପିସିୟ ପତିନି ପାଦେକ୍

ଏପିସିୟ ମଣ୍ଡଳି ତାକେ ପାଉଲ୍‌ତି ଆକି ପାଉଲ୍‌ତି ଆନମାନତାଂ ୭୦ ବାର୍ଷୁ ବିତ୍ତେ କଲସିୟ ମଣ୍ଡଳି ଲାଗାଙ୍ଗ୍ ଲେକିକିନି ସମ୍ମୁ ଲେକା ଆଜି ମାତାତ୍ । ଲେକିକିନାକାନ୍ ହେଞ୍ଜାନ୍ ନିଜେ ପକ୍ୟାତି ପାଉଲ୍ ଇଞ୍ଜି ଜାଣାତିଶା ହିନାନ୍ ୧:୧ ଜଦି କଲସିୟ ପତିତ ନିଜେ ମେହାଣ୍ ହିଲ୍‌ଞ୍ଜିତିସ୍ ପା କେତେକ୍ ପଣ୍ଡିତାର୍ ଏପିସିୟ ପତିତ ପାଉଲ୍ ଲେକିକିତାନନା ଇଞ୍ଜି ପାତ୍ କିନାର୍ । ଇ କାରଣତାଂ ଆଜି ମାନାତ୍ ସବୁ ମଣ୍ଡଳିକାଂ ଆକି ପକ୍ତି ଇସାପ୍ ଆସ୍ତି ଲେକାଜି ମାନଗାନାତ୍ । ପାଉଲ୍ ଇଦାଂ ପା ଚଚ୍ଚି ହିନାନ୍ ଜେ ହେଞ୍ଜାନ୍ ଇ ଆକି ଲେକିକିନି ସମ୍ମୁତ ହେଞ୍ଜାନ୍ ବନ୍ଦି ମାତାନ୍ ୩:୧୪:୧ ଆରେ ୬:୨୦ ପାଉଲ୍ ତୁକିକଂ ଏପିସିୟ ମଣ୍ଡଳିତ ପକ୍ତି ତା କେଇଦ ଇ ଆକି ପକ୍ତି ମାତାନ୍ । ୬:୨୧-୨୨ ।

ଏପିସିୟ ଏସିଆତ ମାନି ରଞ୍ଜାଙ୍ଗ୍ ଆକି ଗାଡ୍ ଆରି ରାଜ୍‌ଦାନି ମାତାତ୍ । ଏପିସିୟ ଗ୍ରିକ୍ ପେନ୍ ଅରଡ୍‌ନି ଉପାସ୍ ଆରି ଇଦାଂ ନି ମନ୍ଦିର୍ କାଜିଂ ଝିନ୍‌ନାତ୍ । ପକ୍ୟାତାକା ୬:୨୩-୨୪ । ଏପିସିୟ ମଣ୍ଡଳି ପର୍ତୁମ୍ ତାତ୍ ମାତାତ୍ । ମାତର୍ ପାଚେ ହାଲ୍‌କାଜି ଝାତାତ୍ । ହତ୍‌ତାକା ୨:୧-୭ । ପାଉଲ୍ ତା ଲେକାନି ଆଦା ବାଗ୍‌ତ ଇସ୍ପର୍ ଇନେସ୍‌କି ତା ମାନାୟାରିଂ କୁକ୍‌ତାନ୍ ଆରି ଇନେସ୍ ଜିସୁଙ୍ଗ୍ ହିଜି ପାପ୍‌ତାଂ ରାକ୍ୟା କିତାନ୍ ହେଦାଂ ବୁଜାୟ୍ କିତାନ୍ ।

ପାଉଲ୍ ମଣ୍ଡଳିତିଂ ଗାଗାଡ୍ ହୁଦାଂ ତୁଲ୍‌ୟ କିଜି କ୍ରିସ୍ଟ ଇ କାପ୍‌ତା ଆରି କନାନି ମୁଡ୍‌କାଲ୍ ଆନାନ୍ ଇନାକା ଲାହାଙ୍ଗ୍ ମେହାଜି ରବେ ବାତାନାର୍ । ପାଉଲ୍‌ତି ଆକି ଆଦା ବାଗ୍‌ତ କ୍ରିସ୍ଟ ଜିବୁନ୍ ବିସ୍ତେ ଇନାନ୍ ।

### ପଠି ବିସ୍ତେନି ରାହାଣୀ

- ୧. ପାଉଲ୍‌ତି ବାନ୍ଦାଣି ଆରି ଜାଣାଟିଣାନି ମୁଡୁ ୧:୧-୨
- ୨. କ୍ରିଷ୍ଟୁ ଲାହାଂ ମଣ୍ଡଲିନି ଜାଣାଟିଣା ୧:୩୩:୨୧
- ୩. କ୍ରିଷ୍ଟିୟାନ୍ ଜିବୁନ୍ ଜିପ୍‌କା କିନି ଉପାୟ ୪:୧-୬:୨୦
- ୪. ପାଉଲ୍‌ତି ହାରିହାରା ଝିସ୍ତାନ୍ ୬:୨୧-୨୪

୧\* ଇସ୍‌ବର୍ ଇଚା ଇସାପ୍ରେ କ୍ରିଷ୍ଟୁ ଜିସ୍ତୁତି ରଞ୍ଜାନ୍ ପକ୍ୟାତାକାନ୍ ତେଲା ଲାକେ ବାଟି କିୟାତି ପାଉଲ୍, ଜିସ୍ତୁ କ୍ରିଷ୍ଟୁ ଲାହାଂ ମେହାଆଜି ପାତର୍ ଜିବୁନ୍ ଜିପ୍‌କା କିଜି ମାନି ଏପିସ୍ତିତ ଇସ୍‌ବର୍‌ତି ପୁଇପୁୟା ଲକୁ ହେବା କିନାକାର ଲାଗାଂ ଲେକିକିତି ଇ ଆକି । ୨ ମା ଆବା ଇସ୍‌ବର୍ ଆରି ମାପୁ ଜିସ୍ତୁ କ୍ରିଷ୍ଟୁ ମି ଉପ୍‌କାର ଆରି ସୁସ୍ତା ମି କାଜିଂ ଆଏଡ଼ ।

### ଆମ୍ବିକ୍ ଆସିର୍ବାଦ୍

୩ ଦନ୍ୟ ମା ମାପୁ ଜିସ୍ତୁ କ୍ରିଷ୍ଟୁତି ଆବା ଇସ୍‌ବର୍ । ଇନେକିଦେଂକି ହେଞ୍ଜାନ୍ ମାଞ୍ଜେଙ୍ କ୍ରିଷ୍ଟୁତି ଲାହାଂ ମେହାୟକିଜି ସାଗେ ଲକୁନି ଝିଜାରିଂ ସାଗେନି ଆମ୍ବିକ୍ ଆସିର୍ବାଦ୍ କିଡ଼ତାନ୍‌ନା, ୪ କ୍ରିଷ୍ଟୁତି ତାକେ ମେହାଜି ଆପେଂ ଇନେସ୍ ଇସ୍‌ବର୍‌ତି ଆତାପ୍ ହେଦାଂ ଜଗଡ଼ ଉଦ୍‌ଜାଣ୍ ଆନି ଆଗେ ବାଟି କିଡ଼ତାନ୍‌ନା ।

ଇନେସ୍‌କି ଜିଉନନିତ ତା ମୁମ୍‌ଦ ପୁଇପୁୟା ଆରି ଦସ୍‌ହିଲ୍‌ଝାକା ଆନାସ୍ ।

\* ଜିସ୍ତୁ କ୍ରିଷ୍ଟୁତି ହୁକେ ହେଞ୍ଜାନ୍ ମାଞ୍ଜେଙ୍ ତା ମେହି ଲାକେ ଇଡ଼ଦେଦେଂ ବାଟି କିଜି ମାଚାନ୍; ଇଦାଂ ନେ ମାଚାଡ଼ ତା ଝାରି ଆରି ଇଚା । ୬ ଇସ୍‌ବର୍‌ତି ଜାଜ୍‌ମାଲ୍‌ନି ଦୟା କାଜିଂ ଆରି ତା ଜିଉନନି କାଜିଂ ପିସ୍ତି ମଲ୍‌ତ ଦାନ୍ ଇସାବ୍ରେ ପାୟାତି କାଜିଂ, ଆପ୍ ଇସ୍‌ବର୍‌ତି ଦନ୍ୟବାଦ୍ କିନାପା । ୭\* କ୍ରିଷ୍ଟୁତି ହାକି କାଜିଂ ଆପେଂ ମୁକ୍‌ତାନାକା, ଇଚିସ୍ ମା ସବୁ ନେତେରତାଂ ପାପ୍ କେମା ଆତାଡ଼ନ୍ନା । ଇସ୍‌ବର୍‌ତି ଉପ୍‌କାର୍ ଏତେକ୍ ଗାଜା ! ି ହେ ଉପ୍‌କାର୍ ହେଞ୍ଜାନ୍ ସବୁ ବାନି ଗିଆନ୍ ଆରି ବାବ୍‌ନା ହିଜି ମା କାଜିଂ ବେସି ବାବ୍ରେ ହିଡ଼ତାରନା । ୯ ଇସ୍‌ବର୍ ତା ଆଦିକ୍ ଗିଆନ୍ ଆରି ଝାସ୍‌ହିହୁଡ଼ନି ଲାହାଂ ଇନାକା ବାବି କିଜି ମାଚାନ୍, ହେଦାଂ

---

☆ ୧:୧ ୧:୧ ପକ୍ୟାତାକା ୧୮:୧୯-୨୧; ୧୯:୧. ☆ ୧:୬ ୧:୬ କଲସିୟ ୧:୧୪.

ପୁରା କିତାନ୍ନା ଆରି ତାଙ୍ଗେଇଁ କ୍ରିଷ୍ଟି ଉପକାରତ ପୁରା କିନି କାଜିଂ ହେଝାନ୍ ଇମ୍ମଣାକା ଡକ୍ଟ୍ରି ହେ ଲାକେ ହାନ୍ଦାୟ୍ କିଜି ମାତାନ୍, ହେଦାଂ ମା ଲାଗାଂ ହପ୍ତାନ୍ନା । ୧୦ ହେ ଲାକେ ହାନ୍ଦାୟ୍ ଇସାପ୍ରେ ସାଗେ ଆରି ପୁତ୍ରିନି ସବୁ ରଚି ବିସ୍ତେ ରଞ୍ଜାଙ୍ଗ୍ ଆନାଡ୍ ଆରି କ୍ରିଷ୍ଟ ହେଝାନ୍ ଝିଜାରିଂ କାପଡ଼ା ଲାକେ ମାନାନ୍ । ଇ ଲାକେ ହାନ୍ଦାୟ୍ କିଜି ସମାନ୍ ସମୁତ ପୁରା କିନାନ୍ ।

୧୧ ସବୁ ବିସ୍ତେ ଇସ୍ପରତି ଲାକେ ହାନ୍ଦାୟ୍ ଆରି କେମ୍ତା ଇସାପ୍ରେ ସମାନ୍ ଆତିସ୍; ଆଗେତାଂ ବାଚିକିୟାଜି ଜାର୍ ଉଦେସ୍ତ ପୁରା କାଜିଂ କ୍ରିଷ୍ଟି ହୁକେ ତା ନିଜେ ଲକୁ ଆନି କାଜିଂ ଇସ୍ପର ମାଙ୍ଗ୍ ବାଚିକିତ୍ତାନ୍ନା । ୧୨ ଖାତ, ଇମ୍ମଣାକାର୍ ସବୁ ପର୍ତ୍ତୁମ୍ କ୍ରିଷ୍ଟି ତାକେ ବାସ୍ କିଜି ମାତାପ୍, ଝିଜାକାସ୍ ଇସ୍ପରତି ପାଣ୍ କେର୍ନାସ୍ ।

୧୩ ଏପେଙ୍ଗ୍ ପା ଏଚେକାଡ୍ ମୁକ୍ତାନାକା ହିନି ଇ ନେକ୍ରିକାରୁର୍ନି ସଡ୍ କାରୁର୍ ଝେଚାଦେର୍, ହେ ସମୁତାଂ ଇସ୍ପରତି ଆତାଦେର୍ଣ୍ଣା । ଏପ୍ କ୍ରିଷ୍ଟା ପାତ୍ କିନାଦେରା, ଇସ୍ପର ତା ପାର୍ମାଣ୍ ଇସାପ୍ରେ ପୁଇପୁୟା ଜିବୁନ୍ତିଂ ଦାନ୍ କିଜି ମି ଜପି ତା ଇଚା ତିନ୍ ଇଡ୍ଦାତାନ୍ନା । ୧୪ ଇସ୍ପରତି ଜାଜ୍ମାଲ୍ନି ଝାରିକିନି କାଜିଂ ହେଝାନ୍ତୁ ଜାର୍ତି ମୁକ୍ତାନାକା ଉଦେସ୍ତ ହେଝାନ୍ ମା ଆଦିକାର୍ନି ଜାମ୍ଲି ଲାକେ ।

### ପାଉଲ୍ଡି ପାର୍ତାନା

୧୫ ଇ କାରଣ୍ଡାଂ ମାପୁ ଜିସ୍ଟି ତାକେ ମି ଇମ୍ମଣି ପାତ୍ ଆରି ଇସ୍ପରତି ଲକୁ କାଜିଂ ମି ପୁଇପୁୟାତାଂ ଜିଉନନାକା ମାନାଡ୍ । ୧୬ ମି କାଜିଂ ପାର୍ତାନାତ ଏଡୁ କିଜି ଇସ୍ପରତିଂ ଦନ୍ୟବାଦ୍ ହିଜି ଝାନାଙ୍ଗା ଆନ୍ ପାନା ପାର୍ତାନାତ ମିଙ୍ଗ୍ ଦିନ୍କେ ଏଡୁ କିଦ୍ନାଙ୍ଗା । ୧୭ ଆରେ ଜାଜ୍ମାଲ୍ନି ଆବା, ମା ମାପୁ ଜିସ୍ଟି କ୍ରିଷ୍ଟି ଇସ୍ପରତିଂ ପାର୍ତାନା କିନାନ୍ ଇନେସ୍ ହେଝାନ୍ ମିଙ୍ଗେଙ୍ଗ୍ ପୁଇପୁୟା ଜିବୁନ୍ ହିଦ୍ନାନ୍ । ହେ ଜିବୁନ୍ ମିଙ୍ଗ୍ ବୁଦିକାର୍ୟା କିଦ୍ନାନ୍ ଆରି ଇସ୍ପରତିଂ ମି ଲାଗାଂ ଝେଚ୍ଚାନାନ୍ । ତା ଆତିସ୍, ଏପେଙ୍ଗ୍ ତାଙ୍ଗେଇଁ ପୁଞ୍ଜେଙ୍ଗ୍ ଆଡ୍ନାଦେର୍ । ୧୮ ଆନ୍ ଗଝାରି କିଦ୍ନାଂ, ଇନେସ୍ ତା ଅଜଡ୍ ହୁଡ୍ନି କାଜିଂ ମିତାକେନି ଝାସ୍ ହୁଡ୍ନାକା ସାରି ଆନାଡ୍ । ପାଚେ ଇମ୍ମଣି ବାସ୍ ଜାଜ୍ମାଲ୍ନି ଦାନ୍

ପୁଈପୁୟା ଲକ୍ତାଂ ଜେ ସବୁ ଏପେଙ୍ଗ୍ ତା ହୁକେ କୁକ୍ୟାତାଦେଣ୍ଟା ହେଦାଂ ପୁନାଦେର୍ । ୧୯ ତା ମାନାୟାର କାଜିଂ ତା ପାର୍ମାଣ୍ ଗାଜା ଆସିର୍ବାଦ୍ ଜେ ଏଚେକ୍ ବେସି ଆରି ମା ଲାକେ ପାତ୍ କିନାକାର୍ ବିତ୍ରେ ତା ଗାଗାଡ୍‌ନି ସାକ୍ତି ଜେ ଏଚେକ୍ ଗାଜା, ହେଦାଂ ଏପେଙ୍ଗ୍ ପୁଞ୍ଜେଙ୍ଗ୍ ଆଡ୍‌ନାଦେର୍ । ୨୦ ନଙ୍ଗ୍, ମା ବିତ୍ରେ ଗାଗାଡ୍‌ତ ମାନି ହେ ସାକ୍ତି କାଜିଂ ନେ ଇସ୍‌ର କ୍ରିସ୍ଟୁଙ୍ଗ୍ ହାକିତାଂ ଆରେ ନିକ୍ତି ତା ସାଗେତ ଜାର୍ ତିନି ବାଗାଙ୍ଗ୍ ଜପି କୁଚିକିତାନ୍‌ନା । ୨୧ କ୍ରିସ୍ଟୁ ଝିଜୁ ସାଗେନି ସାସନ୍‌କାରିୟା, କେମତା ପୁରା ଆଦିକାର୍, ସାକ୍ତିତ ଆରି ଆଦିକାରିଂ ଜପି ସାସନ୍ କିନାର୍, ଇ ଜୁଗ୍‌ନି ମାନି କାଡ୍‌କି ହାନି କାଡ୍‌ କେମତା ଚର୍‌ନି ପାଦ୍ ପିସ୍ତି ତା ପାଦ୍ ବାଡ୍‌କାସ୍ । ୨୨\* ଇସ୍‌ର ସବୁ ବିସ୍ତେ କ୍ରିସ୍ଟି ପାନା ତାରେନ୍ ଇଡ୍‌ଡାଣ୍ଟା ଆରି ଝିଜୁ ବିସ୍ତେ ଜପିତାଂ ସବୁ ବାନିତ ମାପୁ ଲାକେ ମଣ୍ଡୁଲିତିଂ ଦାନ୍ କିତାର୍ । ୨୩ ହେ ମଣ୍ଡୁଲି କ୍ରିସ୍ଟି ଗାଗାଡ୍, ମଣ୍ଡୁଲି କାଜିଂ କ୍ରିସ୍ଟି କାମାୟ ପୁରା ସମାନ୍ ଆନାଡ୍; ଆରେ କ୍ରିସ୍ଟୁ ସବୁ ବିସ୍ତେ ପୁରା କିନାନ୍ ।

## ୨

### ହାକିତାଂ ଜିବୁନ୍ ପାୟାନାସ୍

୧ \*ମିଦାଂ ଅମାନ୍ୟ ଆରି ପାପ୍ କାଜିଂ ପାଚେନିକାଡ୍‌ଦ ଆଗେନି ପୁଈପୁୟା ବାବ୍ରେ ହାଜି ମାଚାଦେର୍ । ୨ ହେ ସମୁତ ଏପେଙ୍ଗ୍ ଇ ଜଗଡ୍‌ନି ସଡ୍‌ହିଝି ହାଜି ଦାହାଟ୍, ଗାଜା ଆକାସ୍‌ତ ଗାଗାଡ୍‌ହିଝି ଆଦିକାର୍ ଜିବୁନ୍ ତଲ୍ୟା ମାଚାଦେର୍ । ହେ ମୁଡ୍‌ଦାକାନ୍ ନଂ ଇସ୍‌ରତି ବଲ୍ ପିହ୍‌ନି ଲକୁ ଜପି ସାସନ୍ କିନାନା । ୩ ହାଡ୍‌ପାତ ଆପେଂ ଝିଜାକାପ୍ ହେଝାର୍ ଲାକେ ମାଚାପ୍ ଆରି ଗାଗାଡ୍ ଆରି ମାନ୍‌ନି ପିହ୍‌ନାକା ଚାଲାବୁଲା କିଜି ଜିବୁନ୍ ଜିପ୍‌କା କିଜି ମାଚାପ୍ । ହାର୍ ବାବ୍‌ନା, ବିନେନିକାର୍ ଲାକେ ଆପ୍ ପା ବେବାର୍ କାକ୍‌ନି ସାରାଣ୍ ବଗି କିଦେଙ୍ଗ୍ ହାନାପା ।

୪ ମାତର୍ ଇସ୍‌ରତି ଦୟା ଏଚେକ୍ ବେସି ଆରି ମା କାଜିଂ ତା ଜିଉନନାକା ଏଚେକ୍ ଗାଜା ଜେ, ମା ଉଡ୍‌ପାତ୍ୟା କାଜିଂ ଆସେଙ୍ଗ୍

\* ୧:୨୨ ୧:୨୨ କଲସିୟ ୧:୧୮.    \* ୨:୧ ୨:୧ କଲସିୟ ୨:୧୩.

ଆତ୍ମିକ ବାବେ ହାଜି ମାନି ସମୁତ ହେଝାନ କ୍ରିସ୍ତୁତି ଲାହାଂ ମାଙ୍ଗେଙ୍ଗ ଜିବୁନ୍ କିଡ଼ତାନନା । ଇସ୍ପରତି ଦୟା ହୁକେ ନେ ଏପେଙ୍ଗ ମୁକ୍ତାତାଣ୍ଟା । <sup>୫</sup> ମା ବାନ୍ୟା କାଜିଂ ମା ଆତ୍ମିକ୍ ହାକି ମାନି ଖାଡ଼ାଂ ହେଝାନ କ୍ରିସ୍ତୁତି ଲାହାଙ୍ଗ ମାଙ୍ଗେଙ୍ଗ ମେହାୟ୍ କିଡ଼ତାନ । ଇସ୍ପରତି ଉପକାର୍ ହୁକେ ନେ ଏପେଙ୍ଗ ମୁକ୍ତି ପାୟାତାଦେଣ୍ଟା, <sup>୬</sup> କ୍ରିସ୍ତୁ ଜିସ୍ତୁତି ଲାହାଂ ଏକ୍ ଆନି ହୁକେ ତା ଲାହାଂ ସାଗେତ ରାଜକିନି କାଜିଂ ହେଝାନ ମାଂ ପା ନିକ୍ତାତାନନା । <sup>୭</sup> ଆରି କ୍ରିସ୍ତୁ ଜିସ୍ତୁତାଂ ହେଝାନ ମା କାଜିଂ ଦୟା କିଜି ଖାନି ଜୁଗ୍ତ ଜାର୍ ଉପକାର୍ନି ଆଦିକ୍ ବେସି ଦାନ ହପ୍ତାନ । <sup>୮</sup> ଇନାକିଦେଂକି ଉପକାର୍ତ ପାତ୍ କି ହୁକେ ଏପେଙ୍ଗ ମୁକ୍ତି ଆତାଦେଣ୍ଟା; ହେଦାଂ ମିତାଂ ଆଖାତାଡ଼ନା, ହେଦାଂ ଇସ୍ପତ୍ ଦାନ ଆନାଡ଼, <sup>୯</sup> ଲାଗିଂ ଇ ବିସ୍ତେ ଇନେର ଗରବ୍ କିଦେଙ୍ଗ୍ ଆଡୁର୍ । <sup>୧୦</sup> ଆପେଂ ଇନାକା ଆତାପ୍ନା, କେବଲ୍ ଇସ୍ପର ନେ ହେଦାଂ କିତାନନା; ଇମ୍ଣି ହାର୍ଦି କାମାୟ୍ ଆସେଙ୍ଗ୍ କିନାସ୍ ଇଞ୍ଜି ଇସ୍ପର ଆଗେତାଂ ବାଟିକିଜି ମାରାନ, ଆସେଙ୍ଗ୍ କ୍ରିସ୍ତୁ ଜିସ୍ତୁ ଲାହାଂ ମେହାନି କାଜିଂ ମା ଜିବୁନ୍ତ ହେଦାଂ ଆଦେଂ ଆତାଡ଼ନା ।

### କ୍ରିସ୍ତୁତାକେ ଏକ୍ ଆନାସ୍

<sup>୧୧</sup> ଜାର୍ତି ପାଚେନି ଅବସ୍ତା ଏଡୁ କିୟାଟ୍ । ଏପେଙ୍ଗ୍ ପାତ୍ କିଞ୍ଜି ଜିହୁଦି ମାତାଦେର୍, ଜାର୍ତିଂ “ସୁନ୍ନତ୍” ଇଞ୍ଜି ମାନି ପାତ୍ କିଞ୍ଜି ଜିହୁଦିର୍ ହୁକେ ସୁନ୍ନତ୍ ଆକାୟ୍ ଇଞ୍ଜି ମାତାର୍, ଇଦାଂ କେବଲ୍ ର ଗାଗାଡ଼୍ ଅବସ୍ତାତିଂ ବୁଜାନାଡ଼ । <sup>୧୨</sup> ଆଗେ ଏପେଙ୍ଗ୍ କ୍ରିସ୍ତୁତାଂ ଦେହା ମାତାଦେର୍, ଇସ୍ତାଏଲ୍ ବିଦେସିୟା ମାତାଦେର୍ ଆରି ଇସ୍ପରତି ବାଟିକିତି ମେହାଝାଦାଂ ମାତାଦେର୍, ଇସ୍ପର ତା ଲକୁ କାଜିଂ କିଜିମାନି ପାର୍ମାଣ୍ ଜପି ରଟି ନିୟମ୍ତ ମି ଇମ୍ଣାକା ପା ବାଗ୍ ହିଲ୍ଖାତାଡ଼ । ବାସ୍ ହିଲ୍ଖାକା ଆରି ଇସ୍ପର ହିଲ୍ଲାନନ୍ ଆଜି ଏପେଙ୍ଗ୍ ଜଗତ୍ତ ବାହା କିଜି ମାତାଦେର୍ । <sup>୧୩</sup> ଆଗେ ଏପେଙ୍ଗ୍ ଦେହା ମାତାଦେର୍, ମାତର୍ ନଙ୍ଗ୍ ଜିସ୍ତୁତି ଲାହାଂ ଏକ୍ ଆଜି କ୍ରିସ୍ତୁତି ହେଝାତି ନେତେର୍ ହୁକେ ଲାଗାଂ ଆତାଦେଣ୍ଟା । <sup>୧୪</sup> ଇନାକିଦେଂକି ଜିହୁଦି ଆରି ପାତ୍ କିଞ୍ଜି ଜିହୁଦିର୍ ଏକ୍ କିଜି, କ୍ରିସ୍ତୁ ନିଜେ ମା ବିତ୍ତେ ସ୍ତସ୍ତା ରଟାନନା । ହେଝାରିଂ ବିନେ କିଜି ହାରି ସତ୍ତୁ ଲାକେ ଇଚ୍ଚି ଅଙ୍ଗ୍

ବାଡ଼ ହେୱାନ ହେୱାନ୍ତି ନିଜ ଗାଗାଡ଼ ହୁକେ ଡ଼ିକତାନ । ୧୫ ☆ ହେୱାନ ଜିହୁଦିରତି ଝିଜୁ ବିଦିବିଦାଣି ବଲ୍ଲ ମସାତି ବିଦିତି ହପ୍ତି ଜିହୁଦି ଆରି ପାତ କିଝି ଜିହୁଦି ବିତ୍ରେତାଂ ହେୱାନତି ଉପକାର ସୁକ୍ବଗ୍ କିଜି ମାନି ର ପୁନି ନାର ଜାତି ଉବ୍ଜାୟ କିତାନନା । ଇବେ ପୁତ ଯୁସ୍ତା ରର୍ଯ୍ୟାନାଡ଼ । ୧୬ ☆ କୁସ୍ତ ହେୱାନ୍ତି ହାକି ହୁକେ କ୍ରିସ୍ଟ ହେ ଜିହୁଦି ପାତ କିଝି ଜିହୁଦି ବିତ୍ରେ ମାନି ସାତୁରିଂ ବୁଡାୟ କିତାନ; କୁସ୍ ହୁକେ ହେୱାନ ରି ଜାତିତିଂ ମେହାୟକିଜି ର ଗାଗାଡ଼ ଲାକେ କିଡ଼ତାନନା ଆରି ଇସ୍ବର ଲାଗାଂ ହେୱାରିଂ ତାଇଝାତାନା । ୧୭ ହେଦାଂ କାଜିଂ କ୍ରିସ୍ଟ ଝାଜି ମାଗାନ ଆରି ଇସ୍ବରତାଂ ଦେହା ହାଲ୍ଲଜି ମାନି ପାତ କିଝି ଜିହୁଦି ଆରି ତା ଲାଗାଂନି ଜିହୁଦିର ବିତ୍ରେ ସୁସ୍ତାନି ନେକ୍ରିକାବୁର୍ ସୁଣାୟ କିଜି ମାଗାନ । ୧୮ କ୍ରିସ୍ଟି ହୁକେ ନେ ଜିହୁଦି ଆରି ପାତ କିଝି ଜିହୁଦି ଝିଜାର ର ଜିବୁନ୍ତା ଆବା ମୁମ୍ଦ ଝାନି କାଜିଂ ଇଡ଼ତାପନା ।

୧୯ ଲାଗିଂ, ଏପେଙ୍ଗ ନଙ୍ଗ ବିଦେସିୟା କି ଜାର ଦେସ୍ନି ମାନାୟ ଆକାୟ ମାତର ସାଦୁର୍ ଲାହାଂ ଏପେଙ୍ଗ ଇସ୍ବରତି ପୁଇପୁୟା ଲକୁ ଲାହାଂ ଏପେଙ୍ଗ ପା ତା ରାଜିନି ବାହା କିନାକାନ ଆରି ଇସ୍ବରତି କୁରୁମ୍ ଆତାଦେଣ୍ଟା । ୨୦ ଏପେଙ୍ଗ ପା ପକ୍ୟାତାକାନ୍ ଚେଲା ଆରି ବେଣ୍ଟବାକଣାୟକିନାକାତ ହୁକେ ରର୍ଚି କୁନାଦି ଜପି ରଚ୍ୟାତି ଇଲ୍ଲକୁ ଲାକେ । ହେ ଇଲ୍ଲନି କନାନି କାଲ୍ଲ ନିଜେ କ୍ରିସ୍ଟ ଜିସୁ । ୨୧ ହେୱାନ କେବଲ୍ଲ ଇ ଇଲ୍ଲତିଂ ମେହାୟକିଜି ଇଚ୍ଚନାନ୍ ଆରି ମାପୁତି କାଜିଂ ର ପୁଜାକିନି ପୁଇପୁୟା ମନ୍ଦିର ଲାକେ ବାତାୟ କିତାନ । ୨୨ ହେୱାନତି ଉପକାରତ ଏପେଙ୍ଗ ପା ବିନ୍ ଝିଜାରିଂ ଲାହାଂ ଜିବୁନ୍ଲାଗ୍ଦି ଇସ୍ବର କୁର୍ନି କାଜିଂ ର ବାକ୍ରା ଲାକେ ରର୍ଯ୍ୟାନାତା ।

# ୩

ପାତ କିଝି ଜିହୁଦିରତି କାଜିଂ ପାଉଲ୍ତି କାମାୟ

୧ ଇ କାରଣତାଂ ମି ଲାକେ ପାତ କିଝି ଜିହୁଦିର କାଜିଂ କ୍ରିସ୍ଟ ଜିସୁ ହୁକେ ବନ୍ଦି ଆଜି ମାନି ଆନ୍ ପାଉଲ୍, ଇସ୍ବର ତାକେ ପାର୍ଡାନା କିନାଙ୍ଗା । ୨ ମି ହାର କାଜିଂ ଇସ୍ବର ତା ଦୟାତ ନାଙ୍ଗ ଇନେର୍

☆ ୨:୧୫ ୨:୧୫ କଲସିୟ ୨:୧୪. ☆ ୨:୧୬ ୨:୧୬ କଲସିୟ ୧:୨୦.

ଇ କାମାୟ କିଦେଈ ହିତ୍‌ତାଣ୍ଣା, ଇଦାଂ ହାତେନେ ଝେରାଦେଣ୍ଣା ।  
 ୩ ଇସ୍‌ବର ତା ଡକ୍‌କ୍‌ତି କାତା ହପ୍‌ତି ନାଲୋଈ ଝେର୍‌ରାତାନ୍ନା । ଇ  
 ବିସ୍‌ସେ ଆନ୍ ହାରୁକିଜି ଲେକିକିନାଈ । ୪ \*ହେଦାଂ ପଡ଼ିକିଡ଼ିସ୍ କ୍ରିସ୍‌ତ  
 ଡକ୍‌କ୍‌ତି କାତା ବିସ୍‌ସେ ଆନ୍ ଇନାକା ବୁଜାଆତାଂନା ହେଦାଂ ଏପେଈ  
 ପୁଞ୍ଜେଈ ଆଡ଼ନାଦେର୍ । ୫ ଆଗେନି କାଡ଼ଦ ମାନାୟ ଜାତିତିଂ ଇ  
 ଡକ୍‌କ୍‌ତି କାତା ବିସ୍‌ସେ ଇନପାଞ୍ଜାଦାଂ ମାଚାଡ଼ । ମାଚର୍ ଇସ୍‌ବର ନଈନି ତା  
 ପୁଈପୁୟା ପକ୍ୟାତାକାନ୍ ତେଲାଇ ଆରି ବେଣ୍‌ବାକ୍‌ଶାୟକିନାକାର୍  
 ଜିବୁନ୍ ହୁଦାଂ ଇଦାଂ ହପ୍‌ତାନନା । ୬ ହେ ଡକ୍‌କ୍‌ତି କାତା ଆନାତା,  
 ନେକ୍‌କାବୁର୍ କାଜିଂ ଜିହୁଦିର୍ ଲାହାଂ ପାତ୍ କିଞ୍ଜି ଜିହୁଦିର୍ ପା  
 ଇସ୍‌ବରତି ଆସିର୍‌ବାଦ୍‌ତେ ମେହା ଆତାଣ୍ଣା । ହେଞ୍ଜାର୍ ହେ ର ଗାଗାଡ଼ନି  
 କେଇଗାଲ୍ ଆରି ଜିସ୍‌ବୁ କ୍ରିସ୍‌ତ ଉପକାର୍‌ତାଂ ଇସ୍‌ବର ହିତ୍‌ତି ପାର୍‌ଣାଣ୍ଡ  
 ମେହା ଆନାଦେର୍ ।

୭ ଇସ୍‌ବର୍ ତା ସାକ୍ତି ହିଜି ନାଈ ଇମ୍‌ଣି ଦୟା ଦାନ୍ ହିତାନନା  
 ହେଦାଂ କାଜିଂ ଆନ୍ ନେକ୍‌କାବୁର୍‌ନି ପର୍‌ଚାର୍ ହେବାକାରୟା ଆନାଈ  
 । ୮ ଆନ୍ ଇସ୍‌ବରତି ସାଦୁର୍ ବିତ୍ରେ ଝିଜାର୍‌ତାଂ ହାରୁ, ଆତିସ୍‌ପା  
 ପାତ୍ କିଞ୍ଜି ଜିହୁଦିର୍ ଲାଗାଂ କ୍ରିସ୍‌ତି ବେସି ଦାନ୍‌ନି ନେକ୍‌କାବୁର୍  
 ଅନି କାଜିଂ ନାଈ ଇସ୍‌ବର ସମ୍ବୁ ହିତ୍‌ତାଡ଼ନା । ୯ ଇସ୍‌ବରତି ହେ ପୁନି  
 ସମ୍ବୁନି ଡକ୍‌କ୍‌ତି ଉପାୟ ଇନେସ୍ କାମାୟ ଆଦେଂ ଆଡ଼ନାଡ଼, ହେଦାଂ  
 ଝିଜାରିଂ ଜାଣାୟ କିଦେଈ ନି କାମାୟ ଆନ୍ ଲାବ୍ କିତାଂନା । ସବୁ  
 ବିସ୍‌ସେନି ରାକ୍ୟାକାରିୟା ଇସ୍‌ବର ଆଗେ ସବୁ ଜୁଗ୍‌ତ ତା ଡକ୍‌କ୍‌ତି କାତାତିଂ  
 ଡକ୍‌କ୍‌ତି ଇଡ଼ଜି ମାଚାର୍, ୧୦ ଇନେସ୍ ନଈନି ସମ୍ବୁତ କ୍ରିସ୍‌ତାନ୍ ମଣ୍ଡଲିନି  
 କାମାୟ ହୁକେ ସାଗେନି ଆଦିକାର୍ ଆରି ସାକ୍ତିକାଟାକାନ୍ ଇସ୍‌ବରତି  
 ବେସି ଗିଆନ୍ ବିସ୍‌ସେ ହିକ୍ୟା କିଜି ବୁଜାନାସ୍ । ୧୧ ଇସ୍‌ବର ତା ଝିଜ୍‌ଜି  
 ସମ୍ବୁ ଉଦେସ୍ ଇସାବ୍ରେ ମା ମାପୁ କ୍ରିସ୍‌ବୁ ଜିସ୍‌ବୁତି ହୁକେ ଇଦାଂ ପୁରା  
 କିତାଣ୍ଣା । ୧୨ କ୍ରିସ୍‌ବୁତି ଲାହାଂ ମେହାଜି ମାଟିଲେ ଆରି ତା ତାକେ ପାତ୍  
 କିଜି ମାଟିଲେ ବାସ୍ ଲାହାଈ ଇସ୍‌ବର ଲାଗାଈ ହାନି କାଜିଂ ମାଦାଂ  
 ନଈ ସାସ୍ ମାନାଡ଼ । ୧୩ ଇଦାଂ କାଜିଂ ନାଦି ଗଞ୍ଜାରି, ମି କାଜିଂ ନା  
 ଦୁକ୍‌ବଗ୍ କାଜିଂ ନିସ୍‌ତାୟ ଆମାଟ୍, ଇନାକିଦେଂକି ଇଦାଂ ସବୁ ମିଦାଈ

\* ୩:୪ ୩:୪ କଲସିୟ ୧:୨୭,୨୭.

ଜାଜ୍‌ମାଲ୍ କାଜିଂ ଆତାଡ଼ନ୍ନା ।

**କ୍ରିଷ୍ଟି ଜିଉନନାକା**

୧୪ ହେଦାଂ କାଜିଂ ଆବା ମୁମ୍‌ଦ ଆନ୍ ମେଣ୍ଟାଙ୍ଗ୍‌କୁନ୍‌କିଜି ପାର୍ତାନା କିନାଙ୍ଗା, ୧୫ ଇନେରିଂ ସାର୍ଗେ ଆରି ପୁତ୍ ଜାଣ୍‌କେ କୁଟୁମ୍ ତା ଆକର୍ ଦାଦିର୍ ତର୍ ପାୟାତାଂନା । ୧୬ ଇନେସ୍ ହେଞ୍ଜାନ୍ ଜାର୍ ଜାଜ୍‌ମାଲ୍ ଲାକେ ଦନ୍ ଇସାବ୍‌ରେ ଜାର୍ ଜିବୁନ୍ତି ହୁକେ ମିଙ୍ଗେଙ୍ଗ୍ ଜାର୍ ମାନାୟତାଂ ସାକ୍ତି ପାୟା ଆଜି ବାପୁ ଆଦେଂ ହିଦ୍‌ନାନ୍ ହେଦାଂ କାଜିଂ ପାର୍ତାନା କିନାଙ୍ଗା, ୧୭ ଆନ୍ ପାର୍ତାନା କିନାଙ୍ଗ୍, ଇନେସ୍ ମି ପାତ୍ ହୁକେ କ୍ରିଷ୍ଟି ମି ଖାସ୍ତିତ ବାହା କିନାନ୍, ଆନ୍ ପାର୍ତାନା କିନାଙ୍ଗ୍, ଇନେସ୍‌କି ମି ମୁଡ୍ କୁନାଦି ଜିଉନନିତ ରଚ୍ତି ବେସିଆଟ୍‌ଖା ଆନାଡ୍ । ୧୮ କ୍ରିଷ୍ଟି ଖାରି ଜେ ଏଚେକ୍ ଲାମା ଆରି ଅହାର୍, ଏଚେକ୍ ପାନ୍ତାକା, ଏପେଙ୍ଗ୍ ଇସ୍‌ବ୍‌ତି ପୁଇପୁୟା ମାନାୟାର୍ ଲାହାଂ ବୁଜାନି ସାକ୍ତି ଗାଗାଆଏଡ୍ । ଇନେସ୍‌କି ଏପେଙ୍ଗ୍ ଇଦାଂ ପା ବୁଜାଦେଂ ଆଡ୍‌ନାଦେର୍ ଜେ, ହେ ଖାରି ଏଚେକ୍ ଅହାର୍ । ୧୯ ଆଁ ଏପେଙ୍ଗ୍ ତା ଜିଉନନି କାତା ପୁଞ୍ଜେଙ୍ଗ୍ ଆଡ୍‌ନାଦେର୍, ଆତିସ୍‌ପା ଇଦାଂ ଇନାଖାଡାଙ୍ଗ୍ ପା ପୁରାତାଂ ପୁନ୍ୟା ଆଉଡ୍ । ଏଲେଙ୍ଗ୍ ବାନି ଏପେଙ୍ଗ୍ ଇସ୍‌ବ୍‌ତି ଗୁଣ୍ ବାତ୍ ତ ପୁଞ୍ଜେଙ୍ଗ୍ ଆଡ୍‌ନାଦେର୍ । ୨୦ ଇସ୍‌ବ୍ ମା ଖାସ୍ତିତ କାମାୟ୍ ପୁରା କିନି ଜାର୍ ସାକ୍ତି ଇସାବ୍‌ରେ ମା ଏନନାକା କି ବାବିକିନି ତାଂ ଆଦିକ୍ ହର୍ ପୁରା କିଦେଙ୍ଗ୍ ଆଡ୍‌ନାସ୍; ୨୧ ମଣ୍ଡଲି ହୁକେ ଆରି କ୍ରିଷ୍ଟି ଜିସୁତି ହୁକେ ଜୁଗ୍ ଜୁଗ୍ ଖିଜ୍‌ଖି କାଡ୍ ପାତେକ୍ ହେ ଇସ୍‌ବ୍‌ତି ଜାଜ୍‌ମାଲ୍ ଆଏଡ୍ । ଆମେନ୍ ।

**୪**

**ଗାଗାଡ୍‌ଏକ୍**

୧ ମାପୁତି ହେବା କିଜିମାନି କାଜିଂ ଗେହ୍ୟାଜିମାନି ଆନ୍ ପାଉଲ୍ ମିଙ୍ଗେଙ୍ଗ୍ ଗଞ୍ଜାରି କିଦ୍‌ନାଙ୍ଗା, ଇନେସ୍ ଜିବୁନ୍ ଜିଉଣା କିନି କାଜିଂ ଇସ୍‌ବ୍ ମିଙ୍ଗେଙ୍ଗ୍ କୁକ୍‌ତାତାନ୍ନା ତାଲାକେ ବେବାର୍ କିୟାଟ୍, ୨ \*ସବୁଖେଡାଙ୍ଗ୍ ହୁଦାର୍, ହିଡ୍‌ଡି ଆରି ସାହାସ୍ ଆଡ୍ । ହାରି

☆ ୪:୨ ୪:୨ କଲସିୟ ୩:୧୨,୧୩.



ଲାମାହୁଦାର ଆଜି ଜିଉନନିତ ହାରି କାଜିଂ ହୁଅନାକାଦେର ଆତ;  
 ୩ ପୁଇପୁୟା ଜିବୁନ୍ତ ଉପକାରତାଂ ସୁସ୍ତାତାଂ ବାହାକିନି ହୁକେ ମି  
 ବିତ୍ରେ ଇମ୍ଫଣି ରବେ ରଚ୍ଚାଦେର୍ଣ୍ଣା, ହେଦେଲିଂ ରାକ୍ୟା କିନି କାଜିଂ  
 ଜାତୁନ୍ ଆତ । ୪ ମା ଗାଗାଡ୍ ରଞ୍ଜାଙ୍ଗ୍, ଜିବୁନ୍ ପା ରଞ୍ଜାଙ୍ଗ୍ । ଆରି  
 ର ବାସି ହିଜି ଇସ୍ଵର ମାଙ୍ଗେଙ୍ଗ୍ କୁକ୍ତାତାନନା । ୫ ର ମାପୁ, ର  
 ପାତ, ର ବାପ୍ତିସିମ, ୬ ଝିଜାର୍ ନାର ଜାତିନି ଇସ୍ଵର ଆରି ଆବା  
 ରଞ୍ଜାନ; ହେଞ୍ଜାନ ଝିଜାର୍ ମାପୁ, ଝିଜାର୍ ବିତ୍ରେ ଆରି ଝିଜାର୍ ଝାସ୍ତିତ  
 ମାନାନ ।

୭ କ୍ରିଷ୍ଟୁ ହିଜିମାନଟି ଅଲପ୍ତନେ ଆସେଙ୍ଗ୍ ଜାଣକେ ରଞ୍ଜାଙ୍ଗ୍ ରଞ୍ଜାଙ୍ଗ୍  
 ଦୟା ଦାନ ପାୟାତାସନା । ୮ ଦର୍ମ ସାସ୍ତ୍ରତ ଇ ବିସ୍ତେ ଲେକା  
 ଆତାଡନ୍ନା

“ଏଚେକାଡ୍ଦ ହେଞ୍ଜାନ ଜପି ଦୁମ୍ତାନ,

ତା ଲାହାଂ ହେନି ବନ୍ଦିରିଂ ହେଞ୍ଜାନ ଅତାନ,

ଆରେ ନାର ଜାତିତିଂ ବେସି ବର୍ ଦାନ ହିତାନ ।”

୯ “ହେଞ୍ଜାନ ଜପି ଦୁମ୍ତାନ,” ଇଞ୍ଜି ଇନାକା ଅରଡ୍ ଇନାକା ?  
 ଇଦାଂ ନି ଅରଡ୍, ପର୍ଡୁମ୍ ହେଞ୍ଜାନ ପୁତ୍ରି ତାରେନ୍ ବାହାକାଂ  
 ଜୁଡ୍ତାନ । ୧୦ ଲାଗିଂ ଇନେନ୍ ଜୁଡ୍ତାନ, ହେଞ୍ଜାନ ରାଜିନି ପୁତ୍ରିତିଂ  
 ହେଞ୍ଜାନ୍ତି ମାନିହିଂ ବାତ୍ କିନି କାଜିଂ ହେଞ୍ଜାନ ଆରେ ସାଗେନି  
 ଜପିତିଂ ଦୁମ୍ତାନ । ୧୧ ହେଞ୍ଜାନ ନେ ନାର ଜାତିତିଂ ବେସି ବର୍  
 ଦାନ ହିଜି ହାତାନନା । ଇନେରିଂ ପକ୍ୟାତାକାନ୍ ତେଲା, ଆରେ  
 ଇନେରିଂ ବେଶ୍‌ବାକ୍‌ଶାୟକିନାକାର୍, ଇନେ ଇନେରିଂ ନେକ୍ରିକାରୁର୍  
 ସୁଶାୟକିନାକାର୍, ଆରେ ଇନେ ଇନେରିଂ ପାସ୍ତେର୍ ଆରି ଗୁରୁ ଲାକେ  
 ବାଟି କିତାନନ୍ନା; ୧୨ କ୍ରିଷ୍ଟି ହେ ଗାଗାଡ୍ ରଚ୍ଚି ଉଦେସ୍ତ କ୍ରିଷ୍ଟିୟାନ  
 ହେବାକାମାୟ କାଜିଂ ଇସ୍ଵର ସାଦୁରିଂ ଜାଲ୍‌ଦି କିଦେଙ୍ଗ୍ ହେଞ୍ଜାନ  
 ଇଦାଂ କିତାନନା । ୧୩ ହେଦାଂ କାଜିଂ ଆସେଙ୍ଗ୍ ଝିଜାର୍ ପାତ୍ ଆରି  
 ଇସ୍ଵରତି ମାଜି ବିସ୍ତେ ଗିଆନ୍ତ ରବେ ଆନାପ, କ୍ରିଷ୍ଟି ପୁରାପାୟାଜି  
 ଆପେଂ ପ୍ଲାନିବୁଡାର ଆନାପ । ୧୪ ଡ୍ରେ ଚାଲାନିତ ଆରି ଲଡ୍ଡି ଡୁକାନିତ  
 ଏନେତେନେ ଆନି ହିମ୍ଫାଂ ଲାକେ ଆସେଙ୍ଗ୍ ଆରେ ତିର୍ ଆଉସ୍  
 । ବିନ୍ନିକାରିଂ ବିନେ ହାଞ୍ଜେଙ୍ଗ୍ ଗାଶ୍ଚୁଟିର୍ ଚାଲାକି ହିକ୍ୟାତ  
 ଆସେଙ୍ଗ୍ ଏନେତେନେ ଆଉସ୍ । ୧୫ ଇଚିସ୍ ଜିଉନନିତ ହାଡ୍‌ପା ଇଞ୍ଜି

ସବୁ ବିଷ୍ଣେ କାପଡ଼ା ଲାକେ କ୍ରିଷ୍ଣୁତି ଲାକେ ଆନାସ୍ । ୧୭ ☆ହେଝାନ୍ତି ଗାଗାଡ଼ନ୍ ବିନ୍‌ବିନ୍ ହାନ୍‌ବିନ୍ ଉପକାର ହୁକେ ଆରେ, ଜାଣକେ ବାଗ୍‌ନି କାମାୟକିନି ସାକ୍ତି ଇସାବେ ମେହାଜି ଆରି ମେହାଜି ଜିଉନନିତ ଜାର୍ ହାର୍ କାଜିଂ ଜାର୍‌ତି ବାତାଦେଂ ରଚ୍‌ୟାନାଡ଼ ।

**କ୍ରିଷ୍ଣୁତାଂ ପୁନି ଜିବୁନ୍**

୧୭ ଲାଗିଂ ମାପୁତି ତରଦ ବେସି ଗଝାରି କିଜି ଇଞ୍ଜନାଙ୍ଗା, ପାତର୍ କିଞ୍ଜି ଜିହୁଦିର୍ ଜିବୁନ୍ ଜିପକା କିମାର୍ ଇନେସ୍ ଜାର୍ ଜାର୍ ମାନନି ମାଲ୍ୟା ପଲ୍ୟା କିତାର୍, ଏପେଙ୍ଗ୍ ହେ ଲାକେ ବେବାର୍ କିମାର୍; ୧୮ ଆରି ହେଝାର୍‌ତି ମାନ୍ ମାଜ୍‌ଗା । ଇସ୍‌ବର୍ ହିଡ଼ିତି ଜିବୁନ୍‌ତ ହେଝାର୍‌ତି ଇମ୍‌ଣାକାସ୍ ମେହାଣ୍ ଆକାୟ୍ । ଇନେକିଦେଂକି ହେଝାର୍ ପୁରା ଅଗିଆନ୍ ଆରି ଅମାନ୍ୟା ମାନାୟ୍ । ୧୯ ହେଝାର୍ ନିଲାଜି, ଲାଜ୍ ହିଲ୍‌ଝାକାର୍, ଆରି ଲତ୍ତା ବାବେ ସବୁ ବାନି ବିଟାଡ଼୍ କାମାୟତ ବାତର୍ ।

୨୦ ଇ ସବୁ ଏପେଙ୍ଗ୍ କ୍ରିଷ୍ଣୁତି ବିଷ୍ଣେ ହିକ୍ୟା କିଜି ମାନି ବିଷ୍ଣେ ଆକାୟ୍ । ୨୧ ଏପେଙ୍ଗ୍‌ତ ହେଝାନ୍ତି ବିଷ୍ଣେ ଝେଟାଦେଣ୍ଟା ଆରି ହେଝାନ୍ ପାଟେହାନି ଲାକେ ଜିସୁତି ବିଷ୍ଣେ ହାଡ଼ପା ହିକ୍ୟା ପାୟା ଆତାଦେଣ୍ଟା । ୨୨ ☆ଲାଗିଂ ଇମ୍‌ଣି ପୁନାକା ବେବାର୍ ଅଜି ଏପେଙ୍ଗ୍ ଜିବୁନ୍ ଜିପକା କିଜି ମାଟାଦେର୍, ହେଦାଂ ପିହାର୍, ଇନେକିଦେଂକି ତା ଚାକ୍ତାୟ୍ କାମାୟ୍ ହୁକେ ମି ଜିବୁନ୍ ନସ୍ ଆଜି ମାଟାଡ଼ । ୨୩ ଆରେ ମି ମାନ୍ତ ଆରି ମାନନି ପୁରା ପୁନାକା ଆଦେଂ ଲଡ଼ା । ୨୪ ☆ଇମ୍‌ଣି ପୁନି ଅବ୍ୟାସ୍ ଇସ୍‌ବର୍‌ତି ଲାକେ ଉବ୍‌ଜାଣ୍ ଦାମ୍ କାତା ଆରି ହାଡ଼ପାନି ପୁଇପୁୟାତ ରଚ୍‌ୟା ଆତାଡ଼ନ୍ନା, ହେଦାଂ ଉସ୍‌ପେଦେଂ ହିକା ଆତାଦେଣ୍ଟା ।

୨୫ ଆରେ ମିର୍ ଇନ୍‌ମାର୍ । କ୍ରିଷ୍ଣୁଙ୍ଗ୍ ପାତର୍ କିନାର୍ ହାରିତିଂ ସଡ଼ ଇନାକା ମାନାଡ଼; ଇନେକିଦେଂକି ଆପେଂ କ୍ରିଷ୍ଣୁତି ଗାଗାଡ଼ କେଇଗାଲ୍ । ୨୬ ଏପେଙ୍ଗ୍ ରିସା ଆଜି ପାପ୍ କିମାର୍ । ଝେଡ଼ା ହାଲ୍‌ଝିହିଂ ମି ରିସା ଉଣା ଆଏଡ଼ । ୨୭ ଆରେ ସୟ୍‌ତାନତିଂ ବାହା ହିମାର୍ । ୨୮ ଇତିସ୍ ହିଲ୍‌ଝାକାନ୍ ଲକୁରିଂ ଦାନ୍ କିନି କାଜିଂ ଇନେସ୍ ତା ତାକେ ଅଲପ୍ ମାନ୍‌ଗାନାଡ଼, ଇଦାଂ କାଜିଂ ଜାର୍ କେଇଦ ହାର୍‌ଦି କାମାୟ୍ କିଜି କସ୍

☆ ୪:୧୭ ୪:୧୭ କଲସିୟ ୨:୧୯. ☆ ୪:୨୨ ୪:୨୨ କଲସିୟ ୩:୯. ☆ ୪:୨୪ ୪:୨୪ କଲସିୟ ୩:୧୦.

କିଏନ୍ । ୨୯ ମି ଖେଇଦାଂ ଇମଣାକା ପା ବାନ୍ୟା ବଚନ୍ ହତ୍‌ମେଡ୍, ଆଞ୍ଜିତିସ୍ ଲଡ଼ା ଇସାପ୍ରେ ରତ୍‌ନି ବଚନ୍ ହତେଡ୍, ଇନେସ୍ ହେଦାଂ ଖେନାକାତ୍ ଉପକାର୍ ପାକ୍ୟାତ ଉପକାର୍ ଆନାଡ୍ । ୩୦ ଇସ୍‌ସ୍‌ରତି ପୁଇପୁୟା ଜିବୁନ୍‌ତିଂ ଦୁକ୍ ହିଉଡ୍ । ଇନେକିଦେଂକି ପୁଇପୁୟା ଜିବୁନ୍ ମି ଜପି ଇସ୍‌ସ୍‌ରତି ଆଦିକାର୍‌ନି ଚିନ୍ ଇଡ୍‌ଦିତି ଲାକେ ଆରି ଇସ୍‌ସ୍‌ର ଜେ ଦିନେକ୍ ମିଦାଂ ମୁକ୍‌ଡାନାକା ପୁରା କିଦ୍‌ନାର୍, ଇଦାଂ ହାଡ୍‌ପା । ୩୧ ଖିଜୁ ବାନି କୁଟ୍ ବାଦ୍‌ନା, ରିସା, ଟାଣି, କୁଲ୍ ଆରି ଲକାର୍ ନିନ୍ଦା ଆରେ ସବୁ ବାନି ଆକାର୍ ମିତାକେଣ୍ଡାଂ ଦେହା ଆଏଡ୍ । ୩୨ ☆ଆରେ, ହାରି କାଜିଂ ଦୟା ଆଡ, କଞ୍ଜାଣ୍ ମାନ୍ ଆଡ, ଆରି କ୍ରିସ୍‌ଟି କାଜିଂ ଇସ୍‌ସ୍‌ର ଇନେସ୍ ମିଙ୍ଗେଙ୍ଗ୍ କେମା କିଡ୍‌ତାନ୍, ହେ ଲାକେ ହାରିତିଂ କେମା କିୟାଟ୍ ।

### ୫

#### ଅଜଡ଼ନି ଜିବୁନ୍

୧ ଏପେଙ୍ଗ୍ ଇସ୍‌ସ୍‌ରତି ଖାରିନି ମାଜିକାଦେର୍, ଇତିସ୍ ତା ପାଟେ ହାଞ୍ଜେଙ୍ଗ୍ ସେସ୍ଟା କିୟା । ୨ କ୍ରିସ୍ଟ ଇନେସ୍ ମାଙ୍ଗେଙ୍ଗ୍ ଜିଉନଡ୍‌ତାନ୍, ଆରି ଇସ୍‌ସ୍‌ତ୍ ସାରି କାଜିଂ ଜାର୍ ଜିବୁନ୍‌ତିଂ ମା କାଜିଂ ହାଦ୍ ଆକାଡ୍ ଆରି ପୁଜାଲାକେ ହିତାନ୍, ମି ଜିବୁନ୍ ପା ହେ ଲାକେ ଜିଉନନାକା ହୁକେ ଚାଲା ଆଏଡ୍ ।

୩ ଇସ୍‌ସ୍‌ରତି ପୁଇପୁୟା ଲକୁ ଆଜି ମାତିସ୍ ମି ବିତ୍ରେ ଦାରି, ବିଟାଡ୍‌କି ଲାବ୍‌ଡି, ହେଦାଂ ସାଦୁର୍ ଲାଗାଂ ହାର୍ ଆକାୟ୍ । ୪ ମି ପାକ୍ୟାତ ହଞ୍ଜାଦ୍ ବେରଣ୍, ଅରାହିଲ୍‌ଡି କାତା କି ଆହାର୍ କାତା ବେବାର୍ କିନାକା ପା ଲଡ଼ା ଆକାୟ୍ । ଇତିସ୍ ମି କାତାବାର୍ତାତ ଇସ୍‌ସ୍‌ରତିଂ ଦନ୍‌ସବାଦ୍ ହିଜି ମାନାଟ୍ । ୫ ଇନେକିଦେଂକି ଏପେଙ୍ଗ୍ ହାଡ୍‌ପା ଇଞ୍ଜି ପୁନ୍‌ଞ୍ଜି ମାନାଟ୍, ଇମ୍‌ଣି ଦାରୁଲା କି ରାଡ଼ା ମାନାୟ୍ ନଲେ ଲବ୍ରା ହେଞ୍ଜାନ୍ ତ ପୁଡ୍‌ଡ଼ା ପୁଜାକିନାକାନ୍ ଇଞ୍ଜାଡ୍‌ଡି, କ୍ରିସ୍ଟ ଆରି ଇସ୍‌ସ୍‌ରତି ରାଜିନି ଆଦିକାର୍ ଆଦେଂ ଆଡୁର୍ ।

୬ ପଲ୍ୟା କାତା ଇଞ୍ଜି ଇନେର୍ ମିଙ୍ଗେଙ୍ଗ୍ ଟକାୟ୍ କିଦ୍‌ମେନ୍ । ଇ ସବୁ ବାନ୍ୟାକାମାୟ୍ ହୁକେ ଇମ୍‌ଣାକାର୍ ଇସ୍‌ସ୍‌ରତି ବଲ୍ ମାନି

☆ ୪:୩୨ ୪:୩୨ କଲସିୟ ୩:୧୩.

କିଭର, ହେୱାର୍ କାଜିଂ ତା ରିସା ପଲ୍ୟା ଆନାଡ଼ । ୭ ଏଲେଙ୍ଗ୍ ବାନି  
 ମାନାୟ୍ ଲାହାଙ୍ଗ୍, ଇମ୍ଫଣି ତାକେପା ମେହାଣ୍ ଆମାଟ୍, ୮ ଏପେଙ୍ଗ୍  
 ଦିନେକ୍ ମାଜ୍ଗାତ ମାଚାଦେର୍, ମତର୍ ନଙ୍ଗ୍ ମାପୁଡି ଲକୁ ଆଜି  
 ମାଟିଲେ ଅଜଡ଼ନ୍ ହିମ୍ଫାଂ ଲାକେ ବେବାର୍ କିୟାଟ୍, ୯ ଇନାକିଦେଂକି  
 ଅଜଡ଼୍ ନେ ସବୁ ବାନି ସଡ଼ଗୁଣ, ଦାମ୍ ଆରି ହାଡ଼ପା ଲାକେ ପାଡ଼୍  
 ଉବଜା ଆନାଡ଼ । ୧୦ ମାପୁଡିଂ ବୁଜା ଆଦେଂ କାଜିଂ ହିକ୍ୟା କିୟାଟ୍  
 । ୧୧ ମାଜ୍ଗାନି ମାଲ୍ୟା କାମାୟ୍ ସବୁତାକେ ମେହାଆମାଟ୍, ଇତିସ୍  
 ସବୁନି ଦସିନେ ଚଚାଟ୍ । ୧୨ ଇନାକିଦେଂକି ହେୱାର୍ ଇନାକା ସବୁ  
 ଡ଼ଗୁଜି କିତାର୍, ହେ ସବୁ କାତା ଇନାକା ପା ଲାଜୁ, ୧୩ ଏଚେକାଡ଼୍  
 ଝିଜୁ ବିସ୍ରେ ଅଜଡ଼୍ ତାଈଝାନାର୍, ହେପାଦନା ହେୱାକା ହାଡ଼ପା  
 ଲାକେ ହନାଡ଼ । ୧୪ ଇନେକିଦେଂକି ଅଜଡ଼୍ ଝିଜୁ ବିସ୍ରେ ଅଜଡ଼୍ ଆନାଡ଼  
 । ହେଦାଂ କାଜିଂ ଏଲେଙ୍ଗ୍ ଲେକା ଆତାଡ଼ନ୍ନା ।

“ଏ ହୁଆକାଦେର୍, ନିଙ୍ଗାଟ୍, ହାତାକାର୍ ବିତ୍ରେତାଂ ନିଙ୍ଗାଟ୍,  
 ଆରେ କ୍ରିସ୍ଟୁ ମି ତାକେ ଅଜଡ଼୍ ଆନାନ୍ ।”

୧୫ ଲାଗିଂ ଏପେଙ୍ଗ୍ ଇନେସ୍ ବେବାର୍ କିନାଦେର୍, ହେୱାନ୍  
 ବିସ୍ରେ ଜାଗୁଡ଼ ମାନାଟ୍, ଅଗିଆନି ଲାକେ ଆଝାଦାଂ ଗିଆନି ଲାକେ  
 ବେବାର୍ କିୟାଟ୍, ୧୬ ଝଜାଣକେ ଉପାୟ୍ନି ସଡ଼୍ ବେବାର୍ କିୟାଟ୍,  
 ଇନାକିଦେଂକି କାଡ଼୍ ବାନ୍ୟା ଦିନ୍ ଏକାଝାନାଡ଼ । ୧୭ ଲାଗିଂ ବୁଦିହିଲ୍ଝି  
 ଲାକେ ଆମାଟ୍, ମାତର୍ ମାପୁଡି ଇଚା ଇନାକା, ହେଦାଂ ବୁଜାଆଦେଂ  
 ସେସ୍ଟା କିୟାଟ୍ । ୧୮ କାଲିଂ ଅଜୁର୍ ରାସ୍ ହର୍ମାଟ୍, ଇନେକିଦେଂକି  
 ହେଦାଂ କେବଲ୍ ମିଙ୍ଗେଙ୍ଗ୍ ନାସ୍ କିଦନାଡ଼, ମାତର୍ ପୁଇପୁୟା  
 ଜିବୁନ୍ତ ବାଡ଼ି ଆଡ଼, ୧୯ ଝନାୟ୍, ଦନ୍ୟବାଦ୍ ନାୟ୍, ଆରି ବକ୍ତି ନାୟ୍,  
 ହୁକେ ହାରିତିଂ ଝାରିକି କିୟାଟ୍ । ମାତ୍ର ଇଚା ଲାହାଂ ମାପୁଡି ଉଦେସ୍ତ  
 କେରକଣ୍ ଆରି କେରକଣ୍ କେରାଟ୍ । ୨୦ ନିତ୍ରେ ଝିଜୁ ବିସ୍ରେ କାଜିଂ ମା  
 ମାପୁ ଜିସ୍ଟୁ କ୍ରିସ୍ଟି ତର୍ଦ୍ଦ ଆବା ଇସ୍ପର୍ତିଂ ଦନ୍ୟବାଦ୍ ହିଆଟ୍ ।

### ଆଣ୍ଟେନ୍ ଆରି କଗ୍ଲେ

୨୧ ଆରେ କ୍ରିସ୍ଟୁ ପାଣ୍ଡୁ ଆଜି ଏପେଙ୍ଗ୍ ହାରି ତାରେନ୍ ଆଡୁ ।

୨୨ ଝଏ କଗ୍ଲେକାଦେର୍, ଏପେଙ୍ଗ୍ ଇନେସ୍ ମାପୁଡି ତଲ୍ୟା ଆଡୁ,

☆ ୫:୧୭ ୫:୧୭ କଲସିୟ ୪:୫. ☆ ୫:୧୯ ୫:୧୯ କଲସିୟ ୩:୧୭, ୧୭. ☆ ୫:୨୨  
 ୫:୨୨ କଲସିୟ ୩:୧୮; ୧ ପିତର୍ ୩:୧.

ହେ ଲାକେ ଜାର୍ ଜାର୍ ଆଣ୍ଡେନିଂ ତଲ୍ୟା ଆଡୁ, <sup>୨୩</sup> ମଣ୍ଡଲି ଜପି କ୍ରିଷ୍ଟି ଆଦିକାର୍ ଲାକେ କଗ୍ଲେ ଜପି ଆଣ୍ଡେନି ଆଦିକାର୍ ମାନାଡ଼; ଆରେ କ୍ରିଷ୍ଟେନେ ତା ଗାଗାଡ଼ ଲାକେ ମଣ୍ଡଲିନି ମୁକ୍ତିକିନାକାନ୍ । <sup>୨୪</sup> ମଣ୍ଡଲି ଇନେସ୍ କ୍ରିଷ୍ଟି ତାକେ ତଲ୍ୟା, ଆଣ୍ଡାଂ ସମାନ୍ ହେ ଲାକେ ଜାର୍ ଜାର୍ ଆଣ୍ଡେନି ଲାଗାଂ ପୁରା ତଲ୍ୟା ଆଏକ୍ ।

<sup>୨୫</sup> ☆ଏ ଆଣ୍ଡାକାଦେର, କ୍ରିଷ୍ଟ ଇନେସ୍ ମଣ୍ଡଲିତିଂ ଜିଉନତାନ୍, ତା କାଜିଂ ଜାର୍ ଜିରୁନ୍ ହିତାନ୍, ଏପେଙ୍ଗ୍ ସମାନ୍ ହେ ଲାକେ ଜାର୍ ଜାର୍ କଗ୍ଲେକାଂ ଜିଉନଝାଡ଼ । <sup>୨୬</sup> ଇନେସ୍ ବତନ୍ ଆରି ଏଜୁଙ୍ଗ୍ତାଂ ନୁସ୍ୟାନି କାଜିଂ ହେଝାନ୍ ତାଙ୍ଗ୍ ସକଟ୍ କିଜି ପୁଇପୁୟା କିଦ୍ନାନ୍, <sup>୨୭</sup> ଇନେସ୍ ମଣ୍ଡଲି ପୁଇପୁୟା, ପ୍ରାଲ୍‌ହିଲ୍‌ଝାକା ବୁଲ୍‌ହିଲ୍‌କାନ୍ ଆରି ସବୁ ବାନି ଦସ୍‌ହିଲ୍‌ଝି ଆଜି ପୁଇପୁୟା ଆରି ହୁଞ୍ଜାକା ଆନାଡ଼, ଆରେ ହେ ଲାକେ ଜାଜ୍‌ମାଲ୍ ଅବସ୍ତାତ ହେଝାନ୍ ତାଙ୍ଗ୍ ଜାର୍ ଲାଗାଂ ନିଲି କିନାନ୍ । <sup>୨୮</sup> ଆଣ୍ଡାଂ ଜାର୍ ଗାଗାଡ଼ ଲାକେ ବାବି କିଜି ଜାର୍ କଗ୍ଲେଂ ଜିଉନନାକା ଲଡ଼ା । ଇନେନ୍ ଜାର୍ କଗ୍ଲେଂ ଜିଉନନାନ୍, ହେଝାନ୍ ଜାର୍‌ତିଂ ଜିଉନନାନ୍; <sup>୨୯</sup> ଇନେର୍ ଇନାଝାଡ଼ାଂ ଜାର୍ ଗାଗାଡ଼ିଂ ଗିଶ୍ କିଉନ୍ । ଇତିସ୍ ଗାଗାଡ଼ ପହାପାଲି କିନାନ୍ ଆରି ତାଙ୍ଗ୍ ଜାଡୁନ୍ କିନାନ୍, କ୍ରିଷ୍ଟ ଇନେସ୍ ମଣ୍ଡଲିନି ଜାଡୁନ୍ କିନାନ୍ । <sup>୩୦</sup> ଇନେକିଦେଂକି ଆସେଙ୍ଗ୍ ହେଝାଡ଼ି ଗାଗାଡ଼ି କେଇଗାଲ୍ । <sup>୩୧</sup> ଦରମ୍ ସାସ୍ତୁର୍ ଇଞ୍ଜି ମାନି ଇସାବେ, “ଇ କାରଣତାଂ ମାନାୟ୍ ଜାର୍ ଆବା ଆୟାଂ ପିସ୍ତି ଜାର୍ କଗ୍ଲେ ଲାହାଂ ମେହା ଆନାନ୍ ଆରି ହେଝାନ୍ ରିୟାର୍ ମେହାଜି ର ଗାଗାଡ଼ ଆନାର୍ ।” <sup>୩୨</sup> ସାସ୍ତୁର୍ନି ଇ ବାଗ୍‌ତ ର ଡ଼କ୍ତି କାତା ହତାଡ଼ନା; ଇଦାଂ କ୍ରିଷ୍ଟ ଆରି ମଣ୍ଡଲି କାଜିଂ ଇଦାଂ ବେବାର୍ ଇଞ୍ଜି ବୁଜାନାଙ୍ଗା । <sup>୩୩</sup> ମାତର୍ ଇଦାଂ ମି କାଜିଂ ପା ବେବାର୍ । ଜାଣ୍‌କେ ଆଣ୍ଡେନି କଗ୍ଲେଂ ଝାୟ୍‌ଲାକେ ଜିଉନଝେନ୍ ଆରି ଜାଣ୍‌କେ କଗ୍ଲେକ୍ ନିଜ୍ ଆଣ୍ଡେନିଂ ମାନି କିଏଡ଼ ।



ଆବା ଆୟା ଆରି ହିମ୍‌ଶାଙ୍ଗ୍

୧ ହିମ୍‌ଣାଙ୍ଗ, ମାପୁ କାଜିଂ ଆବା ଆୟାକ୍ତି ବଲ୍ ମାନି କିନାକା ମି କ୍ରିସ୍ଟିୟାନ୍ କାମାୟ, ଇନେକିଦେଂକି ଇଦାଂ ନେ ସମାନ୍ ବେବାର୍ ।  
 ୨ “ମି ଆବା ଆୟାକାଂ ମାନି କିୟାର୍ ।” କେବଲ୍ ଇ ବଲ୍‌ତ ରଞ୍ଜାଙ୍ଗ ପାର୍ମାଣ୍ ମେହାୟ୍ କିୟାଜି ଇଟ୍ୟାତାତ୍‌ନା । ୩ “ଇନେସ୍‌କି ମିଦାଙ୍ଗ ହାର୍ ଆନାଟ୍, ଆରି ଏପେଙ୍ଗ ପୁତ୍‌ତ ବେସି ଦିନ୍ ଜିନାଦେର୍ ।”

୪ \*ଆବା ଆୟାକ୍, ହିମ୍‌ଣାକାଂ ରିସା କିନାକା ଇଞ୍ଜି ଇନାକାପା ବେବାର୍ କିମାର୍, ଇତିସ୍ ମାପୁତି ହିକ୍ୟାତ ହେଞ୍ଜାରିଂ ମାନି କିୟାର୍ ।

### କଡକାଆଡ଼ିଏନ୍ ଆରି ହାଉକାର୍

୫ \*କଡକାଆଡ଼ିୟାର୍, ଏପେଙ୍ଗ କ୍ରିସ୍ଟି ହେବା କିନାଦେରା ଇଞ୍ଜି ଖାସ୍ତି ବାବ୍ରେ ପାଣ୍ଡୁତ୍ତୁଂ ତ୍ରିଗ୍‌ଜି ସିଂସାର୍‌ନି ହାଉକାରିକାଂ ବଲ୍ ମାନିକିୟାର୍ । ୬ କେବଲ୍ ହାଉକାର୍ ମିଙ୍ଗ୍ ଇଟ୍‌କାଡ଼ କିଜିମାନି ସମୁତ ତା ସାରି ଆଜି ହେବା କାଜିଂ ଇଦାଂ କିଞ୍ଜାଦାଂ, କ୍ରିସ୍ଟି କଡକାଆଡ଼ିଏନ୍ ଲାକେ ମି ଓଜୁ ଖାସ୍ତି ହିଜି ଇସ୍‌ପୁତ୍ ଇଚା ମାନି କିୟାର୍ । ୭ କେବଲ୍ ମାନାୟାର୍‌ତି ହେବା କିନାଙ୍ଗା ଇଞ୍ଜି ବାବିକିଞ୍ଜାଦାଂ ମାପୁତି ହେବା କିନି ଲାକେ ଖାରିତାଂ ହେଦାଂ କିୟାର୍ । ୮ ମନ୍ତ ଇଚାଟ୍, ହେଞ୍ଜାନ୍ କଡକାଆଡ଼ିଏନ୍ ଆଏନ୍ କି ଜାର୍ ଇଚାତ ଆଏନ୍ ମାପୁ ଓଜାରିଂ ତାଦି ହାର୍‌ଦି କାମାୟ କାଜିଂ ଇନାମ୍ ହିଦ୍‌ନାନ୍ ।

୯ ଆରେ ଏ ହାଉକାର୍‌କାଦେର୍, ମି କଡକାଆଡ଼ିୟାର୍ କାଜିଂ ଜାର୍ ଲାକେ ବେବାର୍ କିୟାର୍, ଦାକା ହିମାର୍ । ମନ୍ତ ଇଚାଟ୍, ଏନ୍ ଆରି ମି କଡକାଆଡ଼ିୟାର୍ ଓଜାକାର୍ ସାର୍‌ଗେନି ମାପୁତି ତଲ୍ୟା । ହେଞ୍ଜାନ୍ ଜାଣ୍‌କେତିଂ ମୁକ୍‌ମେଟ୍ ହୁଡ୍‌ଦାଞ୍ଜାଦାଂ ସମାନ୍ ବାବ୍ରେ ବିଚାର୍ କିନାନ୍ ।

### ଇସ୍‌ପୁର୍ କାଜିଂ ଜୁଜ୍‌ନି ହାଜ

୧୦ ହାରିହାରା, ମାପୁ ଲାହାଙ୍ଗ୍ ମେହାଜି ତା ଜବର୍ ସାକ୍ତିତାଂ ବାଡକାସ୍ ଆତ । ୧୧ ଇସ୍‌ପୁର୍‌ହିତି ସବୁ ଜୁଜ୍‌ତ ଜାଲ୍‌ଦି ଜାଗ୍ରତ୍ ଆତ, ଇନେସ୍ ସୟ୍‌ତାନ୍‌ନି ବାନ୍ୟା ଚିନ୍ତାତ ମେହାଆନି କାଜିଂ ଜାଗ୍ରତ୍ ଆତ । ୧୨ ଇନାକିଦେଂକି ମା ଜୁଜ୍ ମୈଡ୍‌ପୁର୍‌ନି ମାନାୟ୍ ବିରୁଦ୍‌ତ ଆକାୟ୍, ମତର୍ ଜଗତ୍ ଆଦିକାର୍ ବିରୁଦ୍‌ତ ଆକାୟ୍, ଆଦିକାରି

☆ ୬:୪ ୬:୪ କଲସିୟ ୩:୨୧.

☆ ୬:୫ ୬:୫ କଲସିୟ ୩:୨୨-୨୫.

ବିରୁଦ୍ଧ, ଇ ମାଜ୍‌ଗାନି ସାଗେନି ଆଦିକାରି ବିରୁଦ୍ଧ ଆରେ ଆକାସ୍‌ନି  
 ବାନ୍ୟାଜିବୁନି° ବିରୁଦ୍ଧ ଜୁଜ୍ କିନାପା; ୧୩ ଲାଗି° ନଙ୍ଗ୍ ଇସ୍‌ସୁର୍ ହିଡ୍‌ତି  
 ଜୁଜ୍‌ହାଜ ଉସ୍‌ପାଟ୍; ତା ଆଡିସ୍ କସ୍‌ସୁଦିନ୍ ସମୁତ ଏପେଙ୍ଗ୍ ସତୁ  
 କାଗ୍ରାନାକା ବନ୍ଦକିଦେ° ଆଡ୍‌ନାଦେର୍ ଆରି ହାରିହାରା ପାତେକ୍ ଜୁଜ୍  
 କିଜି ପା ତାଟ୍ ମାନଗାନାଟ୍ ।

୧୪ ଲାଗି°, ସଡ୍ ଲାଗ୍‌ଦି ମ୍ଲେଙ୍ଗାଙ୍ଗ୍ ଗାଟ୍‌ନାକା ଦାମ୍ କାତା ଲାକେ  
 ଗାଗାଡ୍‌ହାଜ ଉସ୍‌ପାଟ୍ । ୧୫ ଆରେ ସୁସ୍ତାନି ନେକ୍ରିକାବୁର୍ କାଜି°  
 ଜାଲ୍‌ଦିଆଡି ପାଣ୍ଡାୟ ପାନାତ ତୁସ୍‌ଜି ଲେମ୍‌ଖାଦା° ମାନାଟ୍; ୧୬ ନିଡ୍ରେ  
 ପାଟ୍‌ତି ଜାଟି° ରାକ୍ୟାକିନାକା ପିଣ୍ଡାଟ୍, ଇଦା° ଉପକାର୍‌ତା°  
 ସୟତାନ୍ ହୁକେ ତୁହ୍ୟାତାକା ଝିଜୁ ଜୟବାଣତି° ପାଗଦେ° ଏପେଙ୍ଗ୍  
 କିଦେଙ୍ଗ୍ ଆଡ୍‌ନାଦେର୍ । ୧୭ ଆରେ, ମୁଲ୍ଲି ଟପ୍‌ପି ମୁଗାଟ୍ ଆରି ଜିବୁନ୍‌ନି  
 କାଣ୍ଡା ଇଡିସ୍ ଇସ୍‌ସୁଟ୍ ବଚନ୍ ଆହାଟ୍; ୧୮ ଇସ୍‌ସୁର୍‌ତି ଉପକାର୍ ବିକ୍ୟା  
 କିଜି ପାର୍ତାନା ଲାହା° ଇଦା° ସବୁ କିୟାଟ୍ । ସବୁ ନିତିତ ପୁଇପୁୟା  
 ଜିବୁନ୍‌ତି° ଚାଲାନି ଇସାପ୍ରେ ପାର୍ତାନା କିୟାଟ୍ । ଜାଗ୍ରଡ୍ ମାନାଟ୍,  
 ଇନାଖାଡା° ଖାହ୍‌ମାଟ୍ । ଇସ୍‌ସୁର୍‌ତି ମାନାୟାର୍ କାଜି° ତାଇନାଟ୍  
 ପାର୍ତାନାତ ଜାଗ୍ରଡ୍ ଆସି ମାନାଟ୍ । ୧୯ ନା କାଜି° ପା ପାର୍ତାନା କିୟାଟ୍,  
 ଇନେସ୍‌କି ନେକ୍ରିକାବୁର୍ ଡ଼ଲ୍ଲି କାତା ଝେଟ୍‌ଚେଙ୍ଗ୍ ଆରି ପାଣ୍ଡାଖାଦା°  
 ହେଦା° ଇଞ୍ଜେଙ୍ଗ୍ ଇସ୍‌ସୁର୍ ନା ଝେଇଦ ସମାନ୍ କାତା ହିଦ୍‌ନାନ୍ ।  
 ୨୦ ନଙ୍ଗ୍‌ପା ବନ୍ଦି ଆସି ମାଟିସ୍‌ପା ଆନ୍ ନେକ୍ରିକାବୁର୍ କାଜି° ର  
 ରାଜାଦୁଡ୍ । ପାର୍ତାନା କିୟାଟ୍, ଇନେସ୍ ଆନ୍ ସାସ୍ ହୁଦା° ସମାନ୍  
 ବାବ୍ରେ ନେକ୍ରିକାବୁର୍ ସୁଣାୟ କିଦେଙ୍ଗ୍ ଆଡ୍‌ନାଙ୍ଗ୍ ।

### ହାରିହାରାନି ବନ୍ଦାଣି

୨୧ ✠ନା ଅବସ୍ତା ବିସ୍ତେ ଏପେଙ୍ଗ୍ ଇନେସ୍ ପୁଞ୍ଜେଙ୍ଗ୍ ଆଡ୍‌ନାଦେର୍,  
 ହେଦା° କାଜି° ମା ଖାରିନି ଟଣ୍ଡେନ୍ ଆରି ମାପୁଡି କାମାୟ କିଜି ମାନି  
 ପାଟ୍‌ନି ହେବାକାରୟା ତୁକିକ ନା ବିସ୍ତେ ମିଙ୍ଗେଙ୍ଗ୍ ସବୁ କାତା  
 ଇଞ୍ଜନାନ୍ । ୨୨ ଆସେଙ୍ଗ୍ ସବୁ ଇନେସ୍ ମାନାସ୍, ହେ ବିସ୍ତେ ଝେଟ୍‌ତି  
 ମିଙ୍ଗେଙ୍ଗ୍ ଖାରିକିୟ କିନି କାଜି° ଆନେଙ୍ଗ୍ ତାଙ୍ଗେଙ୍ଗ୍ ମି ଖାସ୍ ହେଖାନ୍ତି  
 ହୁକେ ଖାରି କିୟା ଆନାନ୍ ।

୨୩ ଆବା ଇସ୍‌ର ଆରି ମାପୁ ଜିସୁ କ୍ରିଷ୍ଟ ପାତର୍ କିନି ଟଣ୍ଡାର ଆରି  
 ତଣ୍ଡେକାଂ ସୁସ୍ତା ଆଡ, ଜିଉନନାକା ଆରି ପାତର୍ ଲାହାଙ୍ଗ ବାଡାୟ  
 କିଏନ୍ । ୨୪ ଏଚେକ୍ ଲକୁ ମା ମାପୁ ଜିସୁ କ୍ରିଷ୍ଟଙ୍କ୍ ସବୁଝେଡ଼ାଂନି  
 ଜିଉନନିତ ଝିଙ୍ଗାକା, ଜିସୁତି ଉପକାର ହେ ଝିଙ୍ଗାକାର ଲାହାଙ୍ଗ  
 ଆୟେଡ଼ ।



**ସତ୍ ବଚନ୍**  
**The New Testament in the Pengo language of India:**  
**ସତ୍ ବଚନ୍**

copyright © 2020 The Word for the World International

Language: Pengu (Pengo)

Contributor: The Word for the World International

**ସତ୍ ବଚନ୍**  
**ପୁନି ନିର୍ମାଣ, 2020**

The New Testament in Pengo Language.

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

---

PDF generated using Haiola and XeLaTeX on 21 Feb 2024 from source files dated 14 Apr 2023

347138c8-2363-58d9-a1b0-0259691b7d43